

POKOK-POKOK PERATURAN MORIA GBKP (P2P MORIA GBKP)

B A B I GELAR, PAKSA, INGAN *Pasal 1*

- a. Persekutuan Kategorial enda igelari Moria Gereja Batak Karo Protestan, ipanteki i bas tanggal 16 Oktober 1957 i Kabanjahe guna paksa si la itentukan dekahna.
- b. Moria GBKP e me Persekutuan Kategorial GBKP si ipanteki erpalasken Keputusan Sidang Sinode GBKP tahun 1956 i Tigabinanga. Erkiteken si e Persekutuan Kategorial enda ngikuti (tunduk) man Sinode GBKP (*sue ras Tata Gereja GBKP*).
- c. Moria e me perpulungen pernanden (diberu) ngawan GBKP, jadi ingan guna ngerembakken dirina ras Dibata.
- d. Ingan (kundulen) Persekutuan Kategorial enda seri ras (ngikuti) ingan Kantor Sinode GBKP.

B A B II PALAS, TUJUN RAS DAHIN *Pasal 2* **P a l a s**

Palas Persekutuan Kategorial Moria GBKP e me Jesus Kristus Anak Dibata si nggeluh sue ras isi Pustaka Si Badia Padan Si Ndekah ras Padan Si Mbaru, e me Kata Dibata ulu ketuhu-tuhun ras kegeluhen.

Pasal 3 **T u j u n**

Persekutuan Kategorial Moria GBKP tujunna :

- a. Njemba anggota-anggotana gelah erpemeteh ras erpengertin alu mbages kerna Kata Dibata seh maka paguh kinitekenna.
- b. Ngepkep ras mpegegehi persadan i tengah-tengah anggotana.
- c. Mpekeke ukur anggota-anggotana gelah meteh ras nggejapken hak ras tanggungjababna selaku ngawan Perpulungen i tengah jabu, Gereja, masyarakat ras kerina tinepa Dibata.
- d. Muat bagin ibas "Persekutuan Perempuan Gereja" subuk i Indonesia bage pe sebelang-belang doni (Persekutuan Oikumene) si la petembil ras konfesi GBKP.

Pasal 4 **Dahin - dahin**

Persekutuan Kategorial enda erdahin asa gegeh ras pemetehna lit guna nehken tujunna alu dahin :

- a. Ikut muat bagin ibas ndahiken dahin Tri Tugas gereja eme :persadan, kesaksin ras pelayanan.
- b. Erbahan perpulungen, jenari ras-ras ngukuri Kata Dibata dengen ndalankenca.
- c. Erbahan pengepkepen alu nehken ceramah-ceramah, bimbingan kursus-kursus, pelatihanen ras pendampingen.
- d. Mperjuangkan kecibal ras martabat diberu sue ras sura-sura Dibata nepa manusia (dilaki ras diberu) sentudu ras tempasNa.
- e. Erbahan hubungan ras lembaga/organisasi "Perempuan Gereja" si deban subuk i Indonesia bagepe i luar negeri si la petembil ras Tata Gereja GBKP.
- f. Ikut muat bagin ibas kegeluhen ekonomi, sosial budaya ras politik (sue ras konfesi GBKP).

B A B III KEANGGOTAAN RAS HAK - HAKNA *Pasal 5*

- a. Anggota biasa e me :
 1. Kerina pernanden anggota ngawan GBKP
 2. Pernanden si paksana erlajar jadi ngawan GBKP
 3. Diberu anggota ngawan GBKP si lenga erjabu tapi umurna enggo lebih 25 tahun, rikutken kesedianna.

- b. Anggota luar biasa e me :
Sesekalak rikutken pemindonna sinitetapkan Runggu pengurus setempat.

Pasal 6

Anggota ngadi erkiteken :

- a. Idilo Dibata.
- b. Ipedauh Ia ersibar ibas GBKP nari.
- c. Pindah keanggotan ku Gereja si deban.

Pasal 7

Hak anggota ibas kepengurusen :

- a. Si erhak ipilih jadi Pengurus e me anggota biasa.
- b. Si erhak milih Pengurus e me anggota biasa.

B A B IV
SUSUNEN KEPENGURUSEN

Pasal 8

Wilayah Kepengurusen

- a. I bas wilayah kerina daerah GBKP, Persekutuan Kategorial enda ipimpin Badan Pengurus Pusat Moria GBKP (BPP Moria GBKP).
- b. I bas wilayah/sada daerah Klasis GBKP Persekutuan Kategorial enda ipimpin Badan Pengurus Moria GBKP Klasis (BP Moria GBKP Klasis).
- c. I bas wilayah Runggu Gereja Persekutuan Kategorial enda ipimpin Badan Pengurus Moria GBKP Runggu (BP Moria GBKP Runggu).
- d. I bas wilayah bakal Jemaat Persekutuan Kategorial enda ipimpin Badan Pengurus Moria GBKP Bajem (BP Moria GBKP Bajem).
- e. I bas sada wilayah Perpulungen jabu-jabu Persekutuan Kategorial enda ipimpin Badan Pengurus Moria GBKP Perpulungen (BP Moria GBKP Perpulungen).

Pasal 9

Susunan Badan Pengurus Pusat Moria GBKP

- a. Penasehat : Moderamen GBKP.
- b. Badan Pengurus Harian
 1. Ketua Umum
 2. Ketua I
 3. Ketua II
 4. Ketua III
 5. Sekretaris Umum
 6. Sekretaris
 7. Bendehara Umum
 8. Bendehara
 9. Pembantu Umum
- c. Departemen-departemen :
 1. Departemen Persekutuan 2 (dua) kalak: Kerohanian, Retreat,PA, Bahan PA, Pastoral Counseling, Koor
 2. Departemen Pelayanan 2 (dua) kalak: Sosial, Diakoni, Pendidikan, Litbang, Kesehatan, HIV & AIDS, Nafza.
 3. Departemen Kesaksin 2 (dua) kalak: Seni budaya, Evangelisasi.
 4. Departemen Usaha : 2 (dua) kalak
- d. Badan Pengurus Pusat Moria GBKP asa bancina ipilih ibas piga-piga Moria GBKP Klasis nari.

Pasal 10

Susunan Badan Pengurus Moria GBKP Klasis

- a. Penasehat : BP Majelis Klasis (BPMK)
- b. Badan Pengurus Harian

1. Ketua I
 2. Ketua II
 3. Sekretaris I
 4. Sekretaris II
 5. Bendehara I
 6. Bendehara II
 7. Pembantu Umum
- c. Seksi - seksi
1. Seksi persekutuan 2 (dua) kalak : Kerohanian, Retreat, PA, Pastoral Counsling, **Koor**
 2. Seksi Pelayanan 2 (dua) kalak : Sosial, Diakoni, Pendidikan, Litbang, Kesehatan, HIV & AIDS, Nafza
 3. Seksi Kesaksian 2 (dua) kalak : Senibudaya, Evangelisasi
 4. Seksi Usaha 2 (dua) kalak.

Pasal 11

Susunan Badan Pengurus Moria GBKP Runggun

- a. Penasehat : BP. Majelis Runggun (BPMR)
- b. Badan pengurus Harian
 1. Ketua I
 2. Ketua II
 3. Sekretaris I
 4. Sekretaris II
 5. Bendehara I
 6. Bendehara II
 7. Pembantu Umum
- c. Seksi - seksi :
 1. Seksi Persekutuan 2 (dua) kalak : Kerohanian, Retreat, PA, Pastoral Counseling, Koor
 2. Seksi Pelayanan 2 (dua) kalak : Sosial, Diakoni, Pendidikan, Litbang, Kesehatan, HIV & AIDS, Nafza.
 3. Seksi Kesaksin 2 (dua) kalak : Senibudaya, Evangelisasi.
 4. Seksi Usaha 2 (dua) kalak.

Pasal 12

Susunan Badan Pengurus Moria GBKP Perpulungen/PJJ

- a. Penasehat : BP. Majelis Runggun (BPMR)
- b. Badan Pengurus Harian
 1. Ketua
 2. Sekretaris
 3. Bendehara
- c. Seksi - Seksi
 1. Seksi Persekutuan 1 (sada) kalak: Kerohanian, Retreat, PA, Pastoral Counseling, Koor
 2. Seksi Pelayanan 1 (sada) kalak : Sosial, Diakoni, Pendidikan, Litbang, Kesehatan, HIV & AIDS, Nafza .
 3. Seksi kesaksin 1 (sada) kalak : Seni budaya, Evangelisasi.
 4. Seksi Usaha 1 (sada) kalak
- d. Teremna Pengurus Moria Perpulungen isesuaiken ras siniperluken (banci 3 kalak, eme: ketua, sekretaris ras bendahara).

Pasal 13

Ketentuan Kerna Kepengurusen

- a. Ketua Umum ibas BPP Moria si enggo njemak jabaten dekahna 2 periode terus menerus, lanai banci ipilih ibas periode siberikutna ibas wilayahna ia erdahin selaku pengurus.
- b. Ketua I ibas BP Moria Klasis, Runggun, Perpulungen si enggo njemak jabaten dekahna 2 periode terus menerus, lanai banci ipilih ibas periode siberikutna ibas wilayahna ia erdahin selaku pengurus.
- c. Anggota Pengurus Moria sidebanna 2 Periode ngenca banci njemak jabaten si seri.
- d. La lit tugas rangkap Badan Pengurus bas kerina wilayahna

- e. Ketua ibas sada wilayah Ia banci ndehara Ketua Badan Pengurus (BP) GBKP wilayahna.
- f. Ibas BPH tingkat Pusat arus lit si berpendidikan teologia seakatan Sekretaris Umum.
- g. Sekretaris Umum ibas BPP Moria arus Pendeta si diberu ras jadi Tenaga Penuh Waktu.

B A B V
ALAT KELENGKAPAN

Pasal 14

Alat Kelengkapan

Alat kelengkapan emekap: alat penempat guna nehken tujun bagi si tersena ibas Pasal 3.

- a. Alat Kelengkapan tingkat Pusat :
 - 1. Musyawarah Pelayanan (MUPEL) Moria GBKP
 - 2. Musyawarah Pekerja Lengkap (MPL) Moria GBKP
 - 3. Runggu Penyusunan Program ras Perduiten Moria
 - 4. Badan Pengurus Pusat Moria GBKP.
- b. Alat kelengkapan BP Moria Klasis
 - 1. Musyawarah Moria GBKP Klasis
 - 2. Runggu Badan Pengurus Moria Klasis
 - 3. Runggu Pekerja Lengkap Moria GBKP Klasis
- c. Alat Kelengkapan BP Moria Runggun
 - 1. Musyawarah Moria Runggun
 - 2. Runggu BP Moria Runggun

B A B VI
MUPEL RAS MPL

Pasal 15

Musyawarah Pelayanan (MUPEL)

- a. MUPEL emekap Sidang kerina Moria GBKP Runggun ras Moria GBKP Klasis alu sistem perutusan.
- b. Si reh ku bas MUPEL emekap :
 - 1. Kerina anggota Badan Pengurus Pusat Moria GBKP.
 - 2. Utusen Badan Pengurus Moria GBKP Klasis 3 (telu) kalak (eme ketua, sekretaris ras bendahara adi lit siberhalangen banci igantiken pengurus sideban).
 - 3. Utusen Badan Pengurus Moria GBKP Runggun 2 (dua) kalak (ketua, sekretaris/bendahara adi lit siberhalangen banci igantiken pengurus sideban). .
 - 4. Kerina pendeta si diberu.
 - 5. Konsultan siniakap iperluken.
 - 6. Tamu siniakap iperluken.
- c. MUPEL ikataken sah adi ihadiri BPP Moria GBKP ras $\frac{1}{2}$ (setengah) + 1 (sada) ibas jumlah Moria Klasis se-GBKP, ras $\frac{1}{2}$ (setengah) + 1 (sada) ibas Moria Runggun GBKP nari.
- d. Keputusan MUPEL isesuaiiken ras Tata Gereja GBKP, janah arus ipatuhi kerina anggota Moria GBKP ibas kerina tingkatan.
- e. MUPEL ilakoken ras ipimpin BPP Moria GBKP.
- f. MUPEL ilakoken alu tata tertib si isahken Sidang MUPEL.
- g. MUPEL enda ibahan sekurang-kurangna 5 (lima) tahun sekali.
- h. Adi perlu MUPEL Istimewa banci ibahan alu pendilo BPP Moria entah alu pemindon $\frac{1}{2}$ (setengah) + 1 (sada) ibas Moria Klasis se-GBKP.

Pasal 16

Musyawarah Pekerja Lengkap (MPL)

- a. MPL emekap alat kelengkapan si ndalanken keputusan MUPEL ras siniakap perlu.
- b. Peserta Anggota MPL e me kerina Badan Pengurus Pusat ras 3 (telu) kalak ibas Badan Pengurus Moria Klasis (Ketua, Sekretaris, Bendahara) adi lit si berhalangen banci igantiken Pengurus Moria Klasis sidebanna.
- c. MPL ersidang ilakoken 2 tahun sekali alu pendilo BPP Moria.

- d. MPL sah adi ihadiri ½ (setengah) + 1 (sada) ibas BPP Moria ras ½ (setengah) + 1(satu) ibas BP Moria Klasis.
- e. Ibas MPL, banci ilitken peninjau si enteremna 2 kalak ibas tep-tep Moria Klasis nari.

Pasal 17

Pimpinen MUPEL ras MPL

- a. Si mimpin runggu ibas MUPEL ras MPL ipilih ibas utusen Moria GBKP Klasis alu itemani BPP Moria GBKP, teremna 5 (lima) kalak ibas runggu MUPEL janah 3 (telu) kalak ibas runggu MPL.
- b. Sekretaris i bas runggu e, eme Sekretaris Umum Moria GBKP.

B A B VII

RUNGGU

Pasal 18

Runggu BPP Moria GBKP

- a. BPP Moria GBKP erbahan Runggu lengkap sekurang-kurangna 2 (dua) bulan sekali.
- b. BPH erbahan Runggu sue ras keperlunna.

Pasal 19

Runggu Moria GBKP Klasis

- a. BP Moria GBKP Klasis erbahan Runggu lengkap sekurang-kurangna 2 (dua) bulan sekali.
- b. BPH erbahan Runggu sue ras keperlunna.
- c. Runggu Kerja Moria GBKP Klasis, si ihadiri Badan Pengurus Moria GBKP Runggun ibahan sekurang-kurangna 1 (sada) kali ibas sada tahun
- d. Musyawarah Moria Klasis ibahan 5 (lima) tahun sekali.
- e. Teremna utusen ibas Moria GBKP Runggun ku bas Musyawarah Moria GBKP Klasis eme telu kalak (ketua, sekretaris ras bendahara adi lit siberhalangen banci igantiken pengurus sideban).

Pasal 20

Runggu Moria GBKP Runggun

- a. Runggu Badan Pengurus ibahan sekurang-kurangna 2 (dua) bulan sekali.
- b. Runggu kerja Moria GBKP Runggun sekurang-kurangna 4 (empat) bulan sekali si ihadiri Pengurus Moria GBKP Perpulungen/PJJ ras Pengurus Moria Bajem.
- c. Musyawarah Moria GBKP Runggun ibahan 5 (lima) tahun sekali.
- d. Teremna si reh ku Musyawarah Moria GBKP Runggun iaturken Badan Pengurus Moria Runggunna sue ras keadanna.

Pasal 21

Runggu Moria GBKP Perpulungen/Bajem

- a. Runggu Kerja Moria GBKP Perpulungen ibahan sekurang-kurangna 6 (enem) bulan sekali alu ihadiri kerina anggota.
- b. Runggu Badan Pengurus ibahan sue ras keperlunna.
- c. Musyawarah Moria GBKP Perpulungen ibahan 5 (lima) tahun sekali.

Pasal 22

Adi Runggu la ilakoken Badan Pengurus, emaka anggota banci mindo man Badan Pengurus Moria tingkat datasenna gelah iban Runggu, kenca iarihken lebe ras Badan Pengurus GBKP wilayahna.

B A B VIII

PEMILIHEN RAS PENGGANTIN PENGURUS

Pasal 23

- a. Ibas milih Pengurus ibahan alu sistem kaderisasi e me :
Badan Pengurus Pusat Moria GBKP.
Badan Pengurus Pusat Moria GBKP ipilih ras itetapkan ibas MUPEL guna paksa 5 (lima) tahun dekahna, ilantik Moderamen GBKP. Surat Keputusanna ipedarat Moderamen GBKP.
- b. Badan Pengurus Moria Klasis.

Badan Pengurus Moria Klasis ipilih ras itetapkan ibas Musyawarah Moria Klasis guna paksa 5 (lima) tahun dekahna, ilantik BP Majelis Klasis (BPMK). Surat Keputusan pengangkatenna ipedarat BPP Moria.

c. Badan Pengurus Moria Runggun.

Badan Pengurus Moria Runggun ipilih ras itetapkan ibas Musyawarah Moria Runggun guna paksa 5 (lima) tahun dekahna. Adi situasi enggo memungkinkan ipilih ibas Runggu si ihadiri utusen Moria Perpulungen. Adi situasi lenga memungkinkan, ipilih langsung ibas Runggu Anggota. Adi cara enda lenga terdalanken emaka Pengurus Moria Runggun ipilih ras ilantik BP Majelis Runggun (BPMR). Surat Keputusenna ipedarat Pengurus Moria Klasis.

d. Badan Pengurus Moria GBKP Perpulungen.

Badan Pengurus Moria GBKP Perpulungen ipilih ras itetapkan langsung ibas Musyawarah Moria GBKP Perpulungen guna paksa 5 (lima) tahun, ilantik BP Majelis Runggun (BPMR). Surat Keputusan pengangkatenna ipedarat Pengurus Moria (BPMR) GBKP Runggun.

e. Ibas milih Pengurus ibahan alu sistem kaderisasi e me :

1. Setiap pemilihan pengurus arus lit masuk anggota si mbaru eme 40%-60%.
2. Batasen umur pengurus ibas pemilihan maksimal 60 tahun ibas paksa pemilihan.

Pasal 24

Penisipen Ras Persoalen Pengurus

- a. Adi lit sekalak pengurus la erdiate, la erdahin 6 (enem) bulan dekahna itetapkan me ia enggo ngadi, janah banci ibahan penisipen Pengurus.
- b. Man Pengurus si la erdahin e ibahan lebe pengepkepen (pelayanen pastoral) sope ilaksanakan janah isesuaiken ras keadan.
- c. Adi lit persoalen ibas pengurus Moria i tep-tep wilayahna arus ibahan musyawarah BP Moria ras BP wilayahna alu ngundang BP Moria datasenna.

B A B IX

PERTANGGUNGJABAPEN

Pasal 25

- a. Badan Pengurus Pusat Moria GBKP mpertanggungjabapken dahin-dahin ras perduitenna ibas MPL ras ibas MUPEL.
- b. Badan Pengurus Moria GBKP Klasis mpertanggungjabapken dahin-dahin ras perduitenna ibas Runggu Kerja Moria GBKP Klasis setahun sekali ras ibas Musyawarah Moria GBKP Klasis.
- c. Badan Pengurus Moria GBKP Runggun mpertanggungjabapken dahin-dahinna ras perduitenna ibas Runggu kerja Moria Runggun setahun sekali ras ibas Musyawarah Moria GBKP Runggun.
- d. Badan Pengurus Moria GBKP Perpulungen mpertanggungjabapken dahin-dahin ras perduitenna ibas Runggu Kerjana setahun sekali ras ibas Musyawarah Moria GBKP Perpulungen.

B A B X

PERTALIN DAHIN

Pasal 26

Pertalin dahin sada Badan Pengurus Moria GBKP ras saph-saph ia, bagepe ras Persekutun Kategorial si deban ibas kula GBKP lit dua erbage e me pertalin ku datasen, ku teruh ("vertikal") ras pertalin ku kawes, kemuhen ("horizontal") subuk ibas tingkat Pusat, Klasis, Runggun bagepe i tingkat Perpulungen.

B A B XI

PERDUITEN

Pasal 27

Ulu Dana Moria GBKP

Ulu dana Moria GBKP e me :

- a. Iuren anggota buena Rp. 1.000,- (seribu rupiah) tep-tep bulan.
- b. Swadaya anggota buena Rp. 1.000 (seribu rupiah) tep-tep bulan.
- c. Pemere si la ngiket ras duit ulih dahin-dahin si mehuli.
- d. Usaha-usaha Moria si la petembil ras palas dengen tujuan lembaga enda.
- e. Partisipasi (subsidi) ibas BP GBKP i wilayahna.

B A B XII
PENGUBAHEN POKOK-POKOK PERATURAN DASAR
RAS PERATURAN TAMBAHEN

Pasal 28

Pengubahan P2P

- a. P2P enda banci ipekena ibas MUPEL alu arih-arih ibas kerina utusen si reh, dikune la terdungi banci ilakoken alu muat persetujuan 2/3 peserta MUPEL.
- b. Usul-usul guna perubahan enda iarapken ibas Pengurus Moria GBKP Klasis nari arah runggu ras anggotana.
- c. Usul-usul enda icakapken alu mbentuk team singukurisa guna ibaba ku MUPEL

Pasal 29

Peraturan Tambahan

- a. Kai si perlu si langa isingetken ras iaturken ibas P2P enda iaturken ibas Peraturan Rumah Tangga (PRT) Moria GBKP.
- b. Adi ibas P2P bagepe PRT lenga iaturken kerna kai si iperluken tole banci ibahan ras iputusken ibas Runggu Pengurus Pusat Moria GBKP banci idalanken, janah ilapurken ibas MPL si rehna.

B A B XIII

PENUTUP

Pasal 30

- a. Bageme P2P enda ipelimbarui ras iputusken dengen isahken ibas MUPEL Moria se-GBKP si pe-XIV-ken. Janah mulai idalanken tanggal 11 (sepuluh sada) Juli 2015 (dua ribu sepuluh lima).
- b. Kerina peraturan si petembil ras P2P enda itetapkan lanai ipake.
- c. Keputusan si tersinget ibas pasal 30 ayat b ibaba ku sidang MPL janah jadi Peraturan kenca isetujui sidang MPL.
- d. Keputusan si tersinget ibas pasal 30 ayat b enda sah ras terus ipakeken adi isetujui 2/3 (dua per telu) ibas kerina anggota MPL si reh.

PERATURAN RUMAH TANGGA
(PRT MORIA GBKP)

B A B I

GELAR RAS LAMBANG

Pasal 1

- a. Gelar persekutuen kategorial enda ibuat ibas gelar sada Deleng i Tanah Pilistin eme kap deleng Moria ingan si Abraham mpersembahkan anakna si Ishak (Kejadian 22:2).

- b. Moria e me Persadan pernakan/ diberu i tengah-tengah GBKP (Persekutuan kategorial interen gerejani) si hubungenna “Vertikal” ras “Horizontal” bagi tersena ibas tata Gereja GBKP (Tata Gereja BAB XL pasal 166 ayat 1,2).

Pasal 2

Lambang

- a. Lambang Moria eme kap bagi si lit i teruh enda e me Rumah Adat Karo ras Kayu Persilang ibas lingkaren.



- b. Erti lambang enda e me nuduhkan tugas pernakan/ diberu GBKP maba Berita Keselamatan/ Keterkelinen ku tengah-tengah kalak Karo, e me keterkelinen si enggo ibereken Jesus Kristus i Kayu Persilang.

B A B II

KECIBAL, RENCANA DAHIN, PENDAHULUAN RAS PENATALAYANEN

Pasal 3

Kecibal

- a. Pertalin ras GBKP
1. Pokok-pokok Peraturan Moria la banci petembil ras Tata Gereja GBKP, hasil Sidang Sinode GBKP tgl. 10-17 April 2015 i Sukamakmur.
 2. Pertalin, Moria ku tingkat datasen ras teruhen igelari “vertikal” sedangkan pertalin ku GBKP setingkatan e me si igelari “horizontal”.
 3. BP GBKP setingkatan ertugas mereken pelayanen, pengarahen ras bimbingan man Moria setingkatan *sue ras Tata Gereja GBKP*
- b. Surat Keputusan Pengangkatan ras Pelantiken
1. I tingkat Sinode (Pusat) Badan Pengurus Pusat Moria ilantik Moderamen GBKP, bagepe Surat Keputusan Badan Pengurus Pusat Moria GBKP ipedarat Moderamen GBKP.
 2. I tingkat Klasis, Badan Pengurus Moria Klasis ilantik BP GBKP Klasis itemani ras isaksiken Badan Pengurus Pusat Moria GBKP. Janah Surat Keputusenna ipedarat BPP Moria alu betehen BP Klasis ibas wilayahna.
 3. I tingkat Runggun, Badan Pengurus Moria Runggun ilantik BP Runggun itemani Badan Pengurus Moria Klasis. Surat Keputusan Pengurus ipedarat Badan Pengurus Moria Klasis alu betehen BP Runggun ibas wilayahna.
 4. I tingkat Perpulungen, Badan Pengurus Moria Perpulungen ilantik BP Runggun itemani Badan Pengurus Moria Runggun. Janah Surat Keputusan ipedarat Badan Pengurus Moria Runggun alu betehen BP Runggun i wilayahna.
 5. Pelantiken Pengurus Moria GBKP ilakoken Pandita alu make toga ras make liturgi.
 6. Bentuk ras isi liturgi ibas acara pelantiken Pengurus Moria, seragam ras isikapken GBKP.
 7. Pelantiken iban kenca dung pemilihan nta pe ibas kebaktin Minggu.

Pasal 4

Rencana Dahin

- a. Rencana dahin si enggo ipetengteng ibas Batang Belin Pelayanen Moria GBKP si isahken bas MUPEL, si rehna ibas BPP Moria nari guna ilakoken Moria Klasis, Moria Runggun, Bajem ras Moria Perpulungen, banci langsung ilakoken, erkiteken ope rencana e iterusken ku tingkat teruhenna enggo leben isahken ibas persidangen secara sinodal.
- b. Kerina rencana dahin guna tahun si rehna arus enggo dung ope denga GBKP wilayahna e erbahan sidang e me :

1. BPP Moria GBKP si melawenna bulan Agustus tep-tep tahun (ope Sidang Program ras Perduiten Moderamen GBKP).
 2. BP Moria Klasis si melawenna ope denga runggu pendungi tep-tep tahun Klasis GBKP ibas wilayahna.
 3. BP Moria Runggun si melawenna ope denga runggu pendungi tep-tep tahun Runggun Gereja ibas wilayahna.
- c. Bagepe rencana dahin si rehna ibas Moria Klasis nari (si enggo i setuju ibas Klasis) guna ilakoken Moria Runggun ras Moria Perpulungen banci langsung ilakoken.
 - d. Rencana dahin si rehna ibas Moria Runggun nari banci langsung ilakoken Moria Perpulungen sabap rencana enda enggo leben icakapken ibas Sidang Runggun, janah Pt./Dk. ibas Runggun e langsung jadi anggota Runggun Gereja. Dage ia enggo ikut ngeranaken program Moria Runggun ras Perpulungen.
 - e. Tep-tep runggu, Moria ngundang si membidangi Moria ibas BP GBKP wilayahna.
 - f. BPP Moria ngelitken sada gambaren dahin (job description) si jadi pendumen guna ngelakoken rencana dahin man kerina Moria ibas tep-tep tingkatan.
 - g. Tep-tep Badan Pengurus Moria mindo gelah seksi (si membidangi) Moria ibas GBKP wilayahna sekalak Pt./Dk. si diberu.

Pasal 5

Pendahin

- a. Seksi (si membidangi) Moria GBKP e me sada ringring GBKP wilayahna lako mere bimbingan ras pelayanan man Moria i bas wilayahna.
- b. Moria wilayah datasenna jadi si ngiahken ras si njemba man Moria i wilayah teruhenna.
- c. Moria itenahken BP GBKP wilayahna guna ngikuti rapat kordinasi i wilayahna.

Pasal 6

Dahin-dahin

Guna nehken tujunna lembaga enda erbahan dahin-dahin ras usaha-usaha :

- a. Erbahan Penelaahan Alkitab (PA) Moria sekali seminggu guna nambahi pemete kerna Kata Dibata bagepe kerina pemete si iperluken pemanden i tengah jabu, Gereja ras masyarakat.
- b. Erbahan kunjungan-kunjungan diakonia / sosial ku anggota-anggotana, ku panti-panti asuhen, rumah sakit, lembaga pemasyarakatan, Sekolah Luar Biasa, Panti Pelayanan Orang Tua Sejahtera.
- c. Erbahan kursus-kursus, Pelatihan, PA, "Retreat", ras pendampingan alu ratur
- d. Ikut muat bagin ibas Pekabaren Injil.
- e. Ngelitken Koor (Paduan Suara Gerejani)
- f. Erbahan "Sayembara Koor" ras "Cerdas Tangkas Alkitab" ibas paksa tertentu.
- g. Muat bagin ibas nampati korban bencana alam.
- h. Ikut muat bagin ibas penanganan ras penanggulangan erbage pinakit sosial (Nafza, HIV&AIDS, Perjudin, prostitusi)
- i. Ikut muat bagin ibas kegeluhen ersosial ekonomi, erbudaya ras erpolitik
- j. Erbahan pertalin ras perpulungen pemanden/diberu, Gereja-gereja si tergabung ibas Persekutuan Gereja-Gereja i Indonesia (PGI) bagepe i luar negeri.

Pasal 7

Penatalayanan

- a. Ngeranaken masalah:
 1. adi lit persoalen I bas Pengurus Moria i tep-tep wilayahna arus ibahan musyawarah BP Moria ras BP wilayahna alu ngundang BP Moria datasenna.
 2. Si mimpin musyawarah eme BP Moria wilayah datasenna.
- b. Tata laksana surat-surat.
 1. Surat-surat si biakna rutin, banci idungi Badan Pengurus Moria i wilayahna.
 2. Adi pertalinna ku GBKP ras i darat GBKP arus betehen ras isetujui BP GBKP wilayahna.
 3. Adi dahin e berupa kegiatan kerja sama piga-piga Klasis / Runggun / Perpulungen arus betehen Moderamen GBKP, BP Klasis / BP Runggunna jine ras BP Moria wilayahna.
 4. Kerina surat-surat (surat si ialoken ras surat si ipedarat) ilitken arsipna.

B A B III

HAK RAS KEWAJIPEN ANGGOTA

Pasal 8

Hak Anggota

Hak anggota e me :

- a. Tep-tep anggota lit hakna ngaloken pengepkepen ibas persadan enda nari.
- b. Kerina anggota lit hakna mereken buah perukuren man Pengurus guna kepentingan ras kemajuan persadan enda.
- c. Tep-tep anggota lit hakna ipilih ras milih.
- d. Anggota Luar Biasa la lit hakna milih ras ipilih.

Pasal 9

Kewajipen anggota e me :

- a. Kerina anggota arus encidahken maka ia sekalak si enggo itebusi Tuhan Jesus Kristus ibas kegeluhenna tep-tep wari.
- b. Kerina anggota arus ikut njaga ras ertanggungjawab guna kiniulin persadan Moria.
- c. Kerina anggota arus nggalari duit iuren bagi si enggo itetapan.
- d. Ibas ndahiken program wilayah datasenna ikut muat bagin wilayah teruhenna
- e. Tep-tep anggota Moria arus ikut muat bagin adi lit anggota GBKP kepaten e me nehken diakonia si sitikna Rp. 2000,- (dua ribu rupiah).

B A B IV

KEPENGURUSEN

Pasal 10

- a. Si igelari Pengurus e me :
 1. Pengurus Harian
 2. Pengurus Lengkap
- b. Si igelari Pengurus Harian e me :
 1. Kerina Ketua
 2. Kerina Sekretaris
 3. Kerina Bendahara
 4. Pembantu Umum
- c. Si igelari Pengurus Lengkap e me :
 1. Kerina Pengurus Harian
 2. Kerina Pengurus Departemen / Seksi

Pasal 11

Kerna Milih Pengurus

- a. Badan Pengurus Pusat Moria GBKP ipilih ibas Musyawarah Pelayanan (MUPEL) Moria GBKP si ilakoken kenca dung Sidang Sinode GBKP.
- b. Badan Pengurus Moria Klasis ipilih ibas Musyawarah Moria Klasis kenca dung MUPEL.
- c. Badan Pengurus Moria Runggun ipilih ibas Musyawarah Moria Runggun kenca dung Musyawarah Moria Klasis.
- d. Pemilihan Pengurus Moria Runggun, klasis ras Pusat banci ibahan alu langsung ntah arah semi 'formateur'
- e. Badan Pengurus Moria Perpulungen ipilih ibas Musyawarah Moria Perpulungen ipilih alu langsung, bebas, rahasia, kenca Musyawarah Moria Runggun.
- f. Penasihat Moria GBKP la banci sesekalak (perorangan) tapi arus BP GBKP sewilayahna.

Pasal 12

Penisipen Pengurus

- a. Penisipen pengurus banci ibahan ope keru masa bakti kepengurusen erkiteken :
 1. Adi lit pengurus idilo Dibata.
 2. Adi kesehatenna erbahanca ia lanai ngasup.
 3. Adi lit Pengurus si pindah keanggotanna ku darat wialayah pelayanan.
 4. Adi lit Pengurus kena siasat Gereja.

5. Adi lit pemindon si bersangkutan.
- b. Kerna erbahan penisipen adi lit anggota Badan Pengurus la ndalanken tugasna sedekah 6 (enem) bulan terus-terusen alu la lit alasenna si teraloken emaka enggo banci ilakoken penisipen alu leben erbahan Surat Pengepkepen. Kenca sada bulan la lit jababna ibas si ikepkep e i je maka iban penisipen e. Adi lit jabapenna iban me runggu guna encakapkenca ras erbahan keputusan. Pemilihan guna penisipen ilakoken ibas Runggu Pengurus Lengkap, i je arus seh si sitikna $\frac{2}{3}$ (dua pertelu) ibas kerina anggota janah arus reh i je BP GBKP wilayahna.
Adi "qorum" lenga seh, runggu enda imundurken ku runggu sekali nari ka. Runggu e enggo banci iterusken amin gia "qorum" lenga seh. Keputusan ikataken sah adi lit $\frac{1}{2}$ (setengah) lebih 1 (sada) ibas kerina anggota si reh ku bas runggu e setuju. Kenca e iterusken pelayananen pastoral. Kenca sada bulan la lit jabapenna emaka ibahan runggu.
- c. Pemilihan ras penisipen Pengurus enda ikukuhkan ibas runggu Moria GBKP seterusnya, janah surat keputusenna ipedarat sue ras P2P BAB VIII Pasal 24 ayat a, b, c, d.
- d. Tanda pengergan ibas pergantin Pengurus tep-tep periode ibereken piagam pengergan ras hadiah man pengurus si ndekah.
- e. Hadiah enda ibereken sue ras kengasupen Moria GBKP ibas wilayahna
- f. Piagam pengergan iban bali bentuk ras isina guna teptep tingkatan.

B A B V

RUNGGU RAS KEPUTUSENNA

Pasal 13

Erbage Runggu Moria

- a. Runggu Moria eme :
 1. Runggu Badan Pengurus Harian, lit i bas kerina tingkatan.
 2. Runggu Badan Pengurus lengkap (pleno) lit i bas kerina tingkatan.
 3. Runggu lit i bas kerina tingkatan.
 4. Runggu anggota lit i bas Moria perpulungen ngenca.
- b. Runggu Badan Pengurus Harian
Runggu Badan Pengurus Harian ibahan adi lit si perlu man cakapenken, janah asilna ibaba ku bas Runggu Pengurus Lengkap.

Pasal 14

Sahna Runggu

Runggu ikataken sah adi :

- a. Adi iikuti sekurang-kurangna $\frac{1}{2}$ (setengah) tambah 1 (sada) ibas kerina anggota.
- b. Adi lenga "qorum" Runggu iundurken 1 (sada) jam.
- c. Kenca iundurken 1 (sada) jam, Runggu banci ilakoken janah keputusan enggo sah.
- d. Ketentun si lit ibas pasal enda la ipake ibas erbahan Runggu guna pemilihan ras netapken penisipen pengurus.

Pasal 15

Cara muat keputusan Runggu e me :

- a. Tep-tep keputusan iban alu arih-arih muat arih ersada
- b. Adi la banci alu arih ersada emaka ibahan pemunguten suara/ voting alu muat sora si nteremna.

B A B VI

PERDUITEN RAS PERBENDAHARAAN

Pasal 16

Perduiten

- a. BP Moria GBKP ibas teptep wilayah erbahan rapen-rabelna.
- b. Moria mpertanggungjawabken perduitenna man Runggu Anggota / MPL / MUPEL
- c. Moria mereken Lapuren perduiten man BP wilayahna sue ras ketentun wilayahna.

Pasal 17

Ulu Duit (dana)

- a. Subsidi (partisipasi) arah BP GBKP wilayahna.
- b. Mpepulung Iuren ras swadaya bagi si enggo itentukan.
- c. Penghasilen arah barang-barang Moria (isewaken ras sidebanna)
- d. Erbahan lelang-lelang, bazar alu persetujuan BP wilayahna.
- e. Jasa duit i bas bank nari.
- f. Usaha-usaha sidebanna si la petembil ras P2P bagepe ras PRT enda.

Pasal 18

Belinna ras Pembagin duit Iuren ras swadaya

- a. Buena Iuren Rp.1.000,- (seribu rupiah) teptep bulan.
- b. Pembagian duit Iuren e me :
 1. Guna kas Moria GBKP Perpulungen 40% (Rp.400,-) janah si 60% (Rp.600,-) nari isetorken ku Moria GBKP Runggun.
 2. Guna kas Moria GBKP Runggun tading 20% (Rp. 200,-) si 40% (Rp.400,-) nari isetor ku Moria Klasis.
 3. Guna Kas Moria GBKP Klasis tading 30% (Rp.300,-) si 10% (Rp.100,-) nari isetor man Badan Pengurus Pusat Moria GBKP.
 4. Man Moria GBKP Runggun si langa lit Moria GBKP Perpulungenna banci tading 60% (Rp.600,-).
 5. Iuren isetor si melawenna sekali teptep 6 (enam) bulan eme bulan Juni ras Desember teptep tahun.
- c. Buena Swadaya Rp 1.000,- (seribu rupiah) tep-tep bulan
- d. Pembagin duit swadaya sektor 20%, Rg. 20%, Klasis 30% ras BPP 30%.

Pasal 19

Perbendaharan

- a. Harta benda Moria iaturken janah jadi tanggungjabab Ketua ras Bendahara.
- b. Pertanggungjabapen perduiten / pembukun duit ilakoken sue ras ketentun pasal 16 ayat b.1. 2. PRT enda.
- c. Duit si ipedarat Bendahara arus lit persetujuanna ibas ketua nari.
- d. 1. Duit Kas Moria arus i simpan ibas Bank idaerahna atau lembaga keuangan yang syah.
 1. Bukti guna muat duit ibas bank arus i tandatangani Ketua ras Bendahara.
 2. Jasa duit si ialoken ibas bank nari i setor ku bas kas.
- e. Buena duit si ijemak bendahara arus sue ras keperluan guna ndalanken rencana dahin eme :
 1. Wilayah Pusat si mbuena Rp. 5.000.000,-
 2. Wilayah Klasis si mbuena Rp. 2.500.000,-
 3. Wilayah Runggun si mbuena Rp. 1.000.000,-
 4. Wilayah Bajem, Sektor/perpulungen si mbuena Rp. 500.000,-

Pasal 20

Inventaris

- a. Kerina barang-barang inventaris arus ibahan daftarna, si itandatangani Ketua, Sekretaris ras Bendahara tep-tep wilayahna.
- b. Daftar enda ibahan sue ras lapuren pertanggungjababen ibas Runggu pemena tep-tep tahun ibas kerina tingkatan.
- c. Ilitken biaya guna pemeliharaan, penambahan ras penyusuten barang-barang inventaris.

B A B VII

KESERAGAMEN

Pasal 21

Guna kiniersadan Moria GBKP perlu ibahan keseragaman ibas piga-piga hal e me:

- a. Kertas bagepe amplop "berkepala" iseragamken i belang-belang Moria GBKP.
- b. Stempel Moria GBKP iseragamken e me oval sue ras Keputusan Sidang Sinode 1984 dengen ikukuhkan mulihi ibas Sidang Sinode tahun 2015 janah lambang Moria i tengah-tengahna.



- c. Lencana/logo bagepe Vandel Moria GBKP iseragamken e me dasarna biru janah i tengahna gambar lambang Moria.
- d. Paken seragam kebaya Peach rupana, kampuhna Batu Bara rupana Merah Manggis, uis nipes ragi barat.
- e. Lencana ipake ibas tenten arah kawes.
- f. Baju seragam lapangan Moria rupana Megara Legot Karo.
- g. Piagam penghargaan iaturken BPP Moria.

B A B VIII
PENUTUP
Pasal 22

- a. P2P ras PRT Moria GBKP enda mulai ipake tanggal 11 (Sepuluh sada) Juli 2015 (dua ribu lima belas), kecuali si lit hubungenna ras perduiten.
- b. Alu litna P2P ras PRT enda, maka P2P ras PRT si gelgel lanai ipake.
- c. Adi lit perkara si penting si la tertulis ibas P2P ntah PRT enda, banci ibahan peraturan tambahen alu ketentun la petembil ras P2P bagepe PRT enda ras Tata Gereja GBKP.
- d. Peraturan tambahen ibaba ku Sidang MPL, ras ipertanggungjawabken i bas Mupel si rehna.